

Beberapa Aturan Adat .

Luak Jemrol

Beberapa Aturan Adat

Luak Jempol

Adat Dalam Berelat Atau Kenduri Kendara

Perkara yang diatas ini berjejak daripada berkampong pulangan orang semenda. Sungguhpun tiga perkara yang dimasukkan dalam lingkungan adat tempat semenda yang punya tetapi tengok tumbok atas tebingnya, yang terbit yang dituai, adat atas muafakat, pakat atas buatan. Ada yang wajib bagi adat, ada yang sunat bagi adat. Ada yang harus bagi adat yang pertama yang dikatakan wajib bagi adat jika pulangan orang semenda seekor kerbau atau lembu maka wajib mendirikan adat aturannya ini kerja buapak, syaratnya buapak menjemput lembaga dan undang atau penghulu jikalau sudi. Kalau menjemput penghulu atau luak kerjanya remeh daripada menjemput sampai kesiapan dirumah yang pertama. Kesempaiannya disambut dengan hormat dipersilakan ke tempat khas, tepak khas bila masa nak berjamu. Aturannya lembaga duduk dipangkal, besar nan berpesaka duduk ditengah, penghulu dihujung dengan orang alim, buapak dibawah membuat aturan bila nak bertating. Besar pesaka menjunjung sabda minta izin pada penghulu yang pertama Jamba Tunggal iaitu dulang tinggi dan pinggan atas semerit bertudong beralas pengiringnya.

Jamba bertudung beralas kamudiannya seperti biasa dipangkal didalam satu-satu bertudong beralas buapak terpaksa makan kemudian. Bila siap makan sekali lagi menjunjung sembah untuk menggundurkan semua. Kalau mengikut adat sebelum penghulu berpisah orang ramai tidak boleh turun. Kalau menjemput lembaga makan biasa dibuat saja, kalau pulangan orang semenda seekor kambing ini bermakna kenduri. Anak buah menjemput buapak kena juga bentang mementang seperti biasa. Kalau pulangan orang semenda cara paku rebang, bak kata orang tua-tua biar pun daging sepikul atau ayam sereban ini dikatakan sunat bagi adat. Kalau didirikan adat lagi baik kalau tak dibuat. Adat tidak menyalahkan serupa juga dalam kata mencari atas nama lemah, menungkek condong menumpang. Itupun sunat bagi adat. Yang dikatakan harus bagi adat itu walaupun orang semenda memulangkan seekor kerbau atau kambing hanya untuk akedah atau korban dengan tidak kena mengena dengan tiga perkara adat diatas iaitu nikah kahwin, sunat rasul dan tindek daing itu tidak dikatakan kenduri adat. Kalau dibuat menyusahkan saja. Bahkan adat tak menggalakkan perkara begini.

Kebanyakan tempat semenda yang tidak tahu peraturan adat kenduri kendara. Ramai yang tidak tahu perbezaan kenduri atau berelat. Yang dikatakan adat atau kenduri yang diadatkan atau kenduri syarak. Yang pertama kenduri buapak menjemput lembaga dan penghulu atau undang, yang kedua kenduri anakbuah menjemput buapak ini khas mendirikan adat, yang ketiga kenduri orang semenda menjemput tempat semenda. Tidak ada menggunakan kelengkapan adat walaupun kenduri terlingkung dalam adat umpamanya nikah kahwin ataupun sunat rasul tapi semuanya ini rujukannya kepada tempat semenda sebab tiap-tiap jadi orang semenda.

Bak kata orang tua-tua hutang orang semenda pada tempat semenda, kok pagi melepaskan petang, mengurangkan dapat baik, sampaikan baiknya dapat buruk sampaikan buruknya. Hutang tempat semenda dapat baiknya ditatah ditatang, dijalan baik dapat buruk disuruh buat baik, kok kusut diselesaikan, kok nan keruh dijernihkan. Bak kata perbilangan adat memerhati jalan baik, syarak menyuruh berbuat baik benar empat tak boleh ditinggalkan disinilah ibarat anak kunci diantara orang semenda dengan tempat semenda. Pertaliannya diantara ijabkabul sampailah membawa untung baik dan untung jahat selagi hayat dibadan, yang dikatakan kenduri syarak yang tak terlingkung oleh adat biarpun menyembelih lembu atau kambing untuk bayar nazar, akedah atau korban. Kalau didirikan adat menyusahkan saja, bah adat tak menyuruhnya.

Dalam hal ini banyak orang terkeliru bahkan orang beradat pun ada juga sebab dalam kata adat kenduri memotong lembu dan kambingbuapak yang punya sebenarnya tidak memahami yang mana yang dikatakan buapak punya, yang mana dikatakan anak buah punya dan yang mana yang dikatakan kenduri orang semenda yang punya. Ini semua patut diketahui oleh tiap-tiap orang khasnya orang yang beradat yang tak ditinggalkan dalam segi adat penyampaian orang semenda pada tempat semenda walaupun kenduri kecil ataupun besar.